



**Comhairle Contae
Dhún na nGall**
Donegal County Council

Oifigeach Cúnta Dóiteáin

Eolas d'Iarratasóirí

Márta 2025

1. An Post

Tá an Chomhairle ar lorg iarratas ó iarratasóirí a bhfuil na cáilíochtaí cuí agus an taithí ábhartha acu do phost an Oifigeach Cúnta Dóiteáin.

Tá sé beartaithe painéal d'iarratasóirí cáilithe a chruthú do phost an Oifigeach Cúnta Dóiteáin óna líonfar folúntais ar bith a thiocfaidh aníos.

2. Dualgais

Tá sé de dhualgas ar an oifig seo, faoi stiúir ghinearálta an Phríomh-Oifigigh Dóiteáin nó aon Oifigeach eile a bheadh ceaptha ó am go ham ag an Phríomhoifigeach Dóiteáin, seirbhísí proifisiúnta, teicniúla agus coimhdeacha de chineál comhairleach, maoirseachta nó feidhmiúchán a chur ar fáil do Chomhairle Contae Dhún na nGall de réir mar ba ghá i gcur i bhfeidhm agus i gcomhlíonadh aon cheann dá cuid cumhachtaí, feidhmeanna agus dualgas. Gníomhóidh sealbhóir na hoifige, más gá, thar ceann oifigigh de leibhéal níos airde.

D'fhéadfadh sé go gcuimseodh na dualgais atá le sannadh an méid seo a leanas, cé nach liosta uileghabhálach é seo nó is féidir athbhreithniú a dhéanamh air ó am go ham de réir mar a d'éileodh riachtanais eagraíochtúla:

1. Iarratais ar Theastais Sábháilteachta Dóiteáin a mheas agus aird chuí ag an Oifigeach ar na hAchtanna um Rialú Foirgníochta 1990 agus 2007 agus ar na Rialúcháin Rialaithe Foirgníochta.
2. Cigireachtaí agus iniúchtaí a dhéanamh d'fhonn sábháilteacht dóiteáin a mheas i bhfoirgnimh agus struchtúir eile de bhun na nAchtanna Seirbhísí Dóiteáin, 1981 agus 2003.
3. Cigireacht ar áitribh cheadúnaithe faoi Alt 24 d'Achtanna Seirbhísí Dóiteáin 1981 agus 2003 ionadaíocht a dhéanamh sna Cúirteanna iomchuí thar cheann an Údaráis Dóiteáin.
4. Iarratais ar Cheadúnais um shubstaintí contúirteacha a mheas agus aird chuí ag an Oifigeach ar an Acht um Shubstaintí Contúirteacha, 1972.
5. Ullmhacht oibríochtúil na briogáide a chinntiú trí mhaoirseacht agus bainistiú a dhéanamh ar Bhriogáidí Dóiteáin a bheadh leithdháilte ag an Phríomhoifigeach Dóiteáin. Ar na dualgais, bheadh; Maoirseacht a dhéanamh ar oiliúint ag leibhéal an stáisiúin, maoirseacht ar riarachán stáisiúin, trealamh agus oiliúint, tuairiscí a fhaomhadh agus earraí agus seirbhísí a cheannach.
6. Aon dualgais eile dá leithéid de réir mar a shannfadh an Príomhoifigeach Dóiteáin nó Oifigeach de chuid Sheirbhís Dóiteáin Dhún na nGall a bheadh ag feidhmiú faoi stiúir an Phríomhoifigigh Dóiteáin.

3. Cáilíochtaí

(a) Carachtar

Beidh dea-charachtar ag na hIarratasóirí.

(b) Sláinte

Beidh sláinte ag iarratasóirí a thabharfadh le fios go bhfuil siad ábalta seirbhís rialta, éifeachtach a chur ar fáil.

Beidh ar na daoine a cheapfar scrúdú leighis rathúil a fháil atá forordaithe do chomhraiceoirí dóiteáin iontrála roimh a cheapadh mar is réamhriachtanas é chun freastal ar na cursaí leagtha amach in alt (c) thíos.

Ní mór iontrálaithe úra sa tseirbhís dóiteáin a bheith corpacmhainneach ó thaobh na sláinte * le go bhféadfadh siad tabhairt faoin oiliúint oibríochtúil a bhaineann le hobair na seirbhísí dóiteáin.

* Forálacha "Medical Standards for Recruit Retained Fire-fighters", arna fhoilsiú ag an Ghníomhaireacht Bainistíochta Rialtais Áitiúil, a chomhlíonadh.

(c) Oideachas, Oiliúnt, Taithí, Etc.

Ar dháta deiridh chur isteach na bhfoirmeacha iarratais, caithfidh an méid thíos a bheith ag iarratasóirí:

- (a)** Ní mór go sealbhódh an tIarrthóir, i gCreat Náisiúnta na gCáilíochtaí:
 - i) céim ag Leibhéal 8 san innealtóireacht, san ailtireacht nó ndisciplín eile a bheadh bainteach le tógáil foirgneamh,
nó
 - ii) cáilíocht ghairmiúil ba chomhionann leis an chéim thuasluaite, arna bronnadh ag an fhoras ghairmiúil iomchuí,
nó
 - iii) céim ag Leibhéal 8 i ndisciplín eolaíocht- nó teicneolaíocht bhainteach lena n-áirítear fisic, ceimic, eolaíocht ríomhaireachta nó comhshaoil, teicneolaíocht na faisnéise agus na cumarsáide; nó disciplín a bhainfeadh le cursaí dóiteán lena n-áirítear sábháilteacht dóiteáin, bainistiú éigeandála nó seirbhísí éigeandála,
nó
 - iv) céim ag Leibhéal 8 in éineacht le cáilíocht Leibhéal 9 i ndisciplín a bhainfeadh le cursaí dóiteán lena n-áirítear sábháilteacht dóiteáin, bainistiú éigeandála nó seirbhísí éigeandála.
AGUS
- (b)** Ní mór ar a laghad dhá bhliain de thaithí shásúil ábhartha a bheith ag iarrthóirí.
- (c)** I gcás iontrálaí úr sa tseirbhís dóiteáin, ní mór dó nó di bunoiiliúint comhairceora dóiteáin agus Cúrsa Tosaigh do Lucht Caite Gairis

Análaithe a chur i gcrích go rathúil roimh dheireadh na tréimhse promhaidh.

- d)** Ní mór é nó í a bheith inniúil go leor chun dualgais na hoifige a chomhlíonadh go héifeachtúil.

Riachtanais Inmhianaithe

Is inmhianaithe go mbeadh taithí shásúil ábartha dhá bhliain ag iarrthóirí I gceann amháin nó níos mó díobh seo a leanas:

- Iarratais ar Theastais Sábháilteachta Dóiteáin a mheas agus aird chuí ag an Oifigeach ar na hAchtanna um Rialú Foirgníochta 1990 agus 2007 agus ar na Rialúcháin Rialaithe Foirgníochta.

Ina theannta sin tá taithí shásúil ábartha agat ar cheann amháin nó níos mó díobh seo a leanas, nó eolas oibre orthu:

- (a)** Cigireachtaí agus iniúchtaí a dhéanamh d'fhonn sábháilteacht dóiteáin a mheas i bhfoirgnimh agus struchtúir eile de bhun na nAchtanna Seirbhísí Dóiteáin, 1981 agus 2003.
- (b)** Cigireacht ar áitribh cheadúnaithe faoi Alt 24 d'Achtanna Seirbhísí Dóiteáin 1981 agus 2003 ionadaíocht a dhéanamh sna Cúirteanna iomchuí thar cheann an Údaráis Dóiteáin.
- (c)** Iarratais ar Cheadúnais um shubstaintí contúirteacha a mheas agus aird chuí ag an Oifigeach ar an Acht um Shubstaintí Contúirteacha, 1972.

4. Mionsonraí an Phoist

(a) Ginearálta

Tá beartaithe ag Comhairle Contae Dhún na nGall painéal d'iarrasóirí cáilithe a chruthú faoi choinne post mar Oifigeach Cúnta Dóiteáin as a líonfaidh sé aon fholúntais a thiocthadh chun cinn.

(b) Promhadh

Beidh na hiarratasóirí a cheapfar ar promhadh ar feadh tréimhse ama, a shocróidh an Chomhairle. D'fhéadfadh sé go ndéanfaí an tréimhse seo a shíneadh, cinneadh a bheas faoi rogha na Comhairle.

(c) Luach Saothair

Is é seo an páscála náisiúnta bliantúil reatha: íosmhéid de €46,802 go dtí uasmhéid de €72,609. (LSI 2) (de réir chiorclán EL 03/2025).

Íocfar na daoine a cheapfar ag an phointe chuí ar an scála tuarastail atá ag teacht le Ciorclán na Roinne.

Tosóidh iontrálaithe úra ag an íosphointe ar an scála.

(d) Bunáit

Beidh an post lonnaithe i gCeanncheathrú na Seirbhíse Dóiteáin i Leitir Ceanainn.

D'fhéadfadh sé go mbeadh roinnt taistil i gceist le ról an Oifigeach Cúnta Dóiteáin, agus go mbeadh fanacht thar oíche i gceist le roinnt turas agus clúdófar na costais bhainteacha le liúntais iomchuí.

(e) Cónaí

Beidh na daoine a cheapfar ina gcónaí sa cheantar ina mbeidh na dualgais le feidhmiú nó faoi fhad réasúnta de.

(f) Uaireanta Oibre / Saoire Bhliantúil

35 uair an chlog sa tseachtain na gnáthuaireanta oibre a bheidh ag an té a cheapfar. Beidh sé de cheart ag an Chomhairle na huaireanta oibre a athrú ó am go chéile.

De bharr nádúr na hoibre, beidh freastal riachtanach chomh maith taobh amuigh de na gnáthuaireanta oibre, lena n-áirítear tráthnónta agus deirí seachtaine.

Beidh liúntas saoire bhliantúla de réir chiorclán LG(P) 07/2011.

(g) Riachtanas Tiomána

Beidh ar Iarratasóirí:

- (a) Ceadúnas Tiomána chatagóir B iomlán a bheith acu.
- (b) A bhfeithicil féin a bheith acu lena úsáid le linn a gcuid dualgas agus is le liúntais chuí a chlúdófar na costais bhainteacha. /

(h) Riachtanais Saoránachta

Ní mór d'iarratasóirí incháilithe a bheith, ar an dáta is déanaí lena nglacfar le foirmeacha iarratais comhlánaithe;(a) Ina S(h)aoránach de chuid Limistéar Eacnamaíoch na hEorpa (EEA). Cuimsíonn an EEA na Ballstáit den Aontas Eorpach, an Íoslainn, Lichtinstéin agus an Iorua; nó(b) Ina S(h)aoránach de chuid na Ríochta Aontaithe (RA); nó(c) Ina S(h)aoránach de chuid na hEilvéise de bhun an chomhaontaithe idir an AE agus an Eilvéis maidir le saorghluaiseacht daoine; nó(d) Ina S(h)aoránach neamh-EEA ar céile nó leanbh de shaoránach EEA, RA nó Eilvéiseach é/í agus a bhfuil víosa stampa 4 aige/aici; nó(e) Ina d(h)uine ar bronnadh cosaint idirnáisiúnta air/uirthi faoin Acht Cosanta Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil

víosa stampa 4 aige/aici; nó(f) Ina S(h)aoránach neamh-EEA ar tuismitheoir leanaí cleithiúnaí é/í atá ina s(h)aoránach de chuid, agus ina c(h)ónaí i mBallstát de chuid an EEA nó san RA nó san Eilvéis agus a bhfuil víosa stampa 4 aige/aici.

(i) Coinbhleachtaí Leasa

Ní ghabhfaidh sealbhóir an phoist d'aon slí bheatha shochrach, seachas mar fhostaí de chuid údarás áitiúil, a mhéid a dhéanfaidh dochar do chomhlíonadh a dhualgas nó a dualgas mar fhostaí d'údarás áitiúil nó d'aon slí bheatha a d'fhéadfadh a bheith ar neamhréir le leasanna an údaráis áitiúil nó a d'fhéadfadh a bheith ar neamhréir le comhlíonadh a dhualgas mar fhostaí de chuid údaráis áitiúil.

(j) Grinnfhiosrúchán an Gharda Síochána

Tá iarratasóirí don phost mar Oifigeach Cúnta Dóiteáin faoi réir Ghrinnfhiosrúchán an Gharda Síochána. Tabhair faoi deara go gcaithfidh gach iarratasóir Nochtadh Grinnfhiosrúcháin sásúil ón Gharda Síochána a fháil roimh cheapachán, seachas sin, tarraingeofar siar an tairiscint fostaíochta.

Sa chás go léiríonn Nochtadh Grinnfhiosrúcháin an Gharda Síochána go bhfuil cás ar feitheamh, ní fhéadfar leanúint ar aghaidh leis an cheapachán ag an am sin agus tarraingeofar siar an tairiscint fostaíochta. Coinneofar an t-iarratasóir, ar an phainéal, áfach, agus beidh sé á mheas don chéad fholúntas eile, má thagann a leithéid chun cinn le linn saolré an phainéil.

5. Próiseas Earáíochta

A. Foirm Iarratais / Application Form

- Caithfear iarratais a chur isteach ar an fhoirm iarratais oifigiúil agus caithfear gach cuid den fhoirm a chomhlánú.
- Ná cuir CV isteach le d'iarratas. Ní bhreithneofar ach ar an t-eolas ar an fhoirm iarratais, nuair a bheidh oiriúnacht iarratasóra maidir leis an phost á meas.
- Caithfear iarratais a chur isteach mar iatán r-phoist amháin i bhformáid Word nó PDF chuig vacancies@donegalcoco.ie
- Caithfidh iarratais a bheith faighte againn faoin spriocdháta mar atá luaite ar an fhoirm iarratais.
- Ní dhéanfar aon iarratais atá mall, caillte nó a bhfuil moill leo, a mheas ach amháin más féidir fianaise oifigiúil a chur ar fáil a léiríonn gur seoladh an t-iarratas laistigh den achar ama.

B. Gearrliostú

Is féidir iarratasóirí a ghearrliostú faoi choinne agallaimh ar bhonn an eolais a chuirtear ar fáil. Sa chás go mbeidh gá le beart gearrliostaithe, tionólfar Painéal saineolaithe leis na foirmeacha iarratais a scrúdú agus a mheas de réir critéir réamhshocraithe, bunaithe ar riachtanais an phoist. Mar sin de, bheadh sé le do leas cuntas mion, beacht a thabhairt ar do cháilíochtaí agus ar do thaithí ar an fhoirm iarratais.

Má mheastar, mar gheall ar líon agus caighdeán na n-iarratas a gheofar, gur réasúnach gan gach iarratasóir a chur faoi agallamh, ní ghlaofar chun agallaimh ach daoine ar dócha go ngnóthódh siad caighdeán ar leor é chun iad a roghnú agus a mholadh faoi choinne ceapacháin.

Ná glactar leis gurb ionann duine a iontráil i gcomórtas nó cuireadh chun agallaimh a chur ar an duine sin agus a thabhairt le tuiscint go mbeadh Comhairle Contae Dhún na nGall sásta go gcomhlíonann an duine sin riachtanais an phoist.

C. Ceart ar Fhaisnéis agus Athbhreithniú - #AFO 001

Tá an Chomhairle tiomanta d'aiseolas agus faisnéis a thabhairt d'iarratasóirí. Mas mian le hiarratasóir ar bith é, is feidir leo iarraidh go ndéanfaí athbhreithniú ar aon chinneadh nó at an phróiseas féin.

Caithfear a leithéid d'iarratas a chur isteach i scríbhinn, ag lua an uimhir thagartha thuas, ag cur in iúl na cúise atá leis an iarratas agus caithfear é seo a chur faoi bhráid na Rannóige Acmhainní Daonna, Ionad na dTrí Abhainn, Leifear, Co. Dhún na nGall laistigh de chúig lá oibre ón dáta ar tugadh fógra faoi chinneadh ábhartha.

D. Rúndacht

Faoi réir fhorálacha an Achta um Shaoráil Faisnéise 2014, is faoi rúndacht dhocht a phléifear le hiarratais.

E. Eile

Tá ceapacháin na Comhairle faoi réir seiceálacha sásúla maidir le teistiméireachtaí, cáilíochtaí, scrúduithe leighis agus Grinnscrúdú Garda, mar is cuí.

F. Cúis Dícháilithe í an Chanbhasáil

Dícháileofar iarratasóir ar an toirt ón phróiseas earcaíochta a dhéanann iarracht (nó a ndéanann duine iarracht ar a s[h]on) oifigeach de chuid na Comhairle (nó duine a ainmníonn sí le hagallamh a chur ar iarratasóirí nó iad a scrúdú) a chanbhasáil nó tionchar a imirt air/uirthi ar son an

iarratasóra, go díreach nó go hindíreach, bíodh sé i bhfoirm cumarsáid scríofa nó eile.

G. An Rialachán Ginearálta maidir le Cosaint Sonraí

Tá Comhairle Contae Dhún na nGall meáite ar do chuid sonraí pearsanta a chosaint agus comhlíonaimid ár gcuid oibleagáidí faoi na hAchtanna um Chosaint Sonraí, 1988 – 2018, agus faoin Rialachán Ginearálta maidir le Cosaint Sonraí.

- **An Bunús ar a bPróiseáiltear do chuid Sonraí Pearsanta**

Is é an bunús ar a bpróiseáiltear do chuid sonraí pearsanta ná d'fhonn d'iarratas ar an phost dár chuir tú isteach air le Comhairle Contae Dhún na nGall a phróiseáil faoi Théarmaí Acht Fostaíochta (Faisnéis) 1994 agus polasaithe agus gnáthaimh na Rannóige Acmhainní Daonna.

Nuair a fhaighimid d'fhoirm iarratais, cruthaímid taifead ríomhaire faoi d'ainm, ina mbíonn cuid mhaith de na sonraí pearsanta mar atá luaite agat i d'fhoirm iarratais.

Ní úsáidtear an taifead pearsanta seo ach amháin chun d'iarratas a phróiseáil. Tá tú i dteideal, in am ar bith, cóip den fhaisnéis faoi dtaobh díot féin, atá á coinneáil ar taifead againn, a fháil.

- **Comhroinnt na Faisnéise**

Taobh amuigh den fhoireann earcaíochta iomchuí, ní dhéanfar na sonraí ar d'fhoirm iarratais a chomhroinnt ach d'fhonn an comórtas ar chuir tú isteach air a chur chun cinn in éineacht le Bord gearrliostaithe agus/nó agallaimh ainmnithe.

Más amhlaidh, i ndiaidh an chomórtais, go gcuirtear ar Phainéal thú agus go dtairgtear post duit, beidh na sonraí a chuir tú ar fáil i d'fhoirm iarratais mar chuid den Chomhad Pearsanra s'agat.

Sa bhreis air sin, sa chás go dtairgfí post duit agus go ndearbhófá ina dhiaidh sin gur spéis leat an post, bainfear úsáid as na sonraí ar d'fhoirm iarratais d'fhonn taifid seirbhíse agus teistiméireacht fostaíochta a iarraidh.

- **Tréimhse Stórála**

Coinneofar d'iarratas go ceann dhá bhliain ó dháta bunaithe an phainéil don phost seo. Déanfar iarratais nach gcuirfear ar aghaidh chuig céim an agallaimh a scriosadh i ndiaidh an chomórtais.

Is féidir teacht ar Ráiteas Príobháideachta Chomhairle Contae Dhún na nGall ag: www.donegalcoco.ie